



Nuuk, 2. april 2015

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara:

Naalackersuisunut apeqquut:

- 1. Sinerissami raajarniartut pisassaasa amerlineqarsinnaanerat eqqarsaatigalugu Naalackersuisut qanoq iliuseqarniarpat?**
- 2. Misileraasoqassappat sumiiffinni raajarniarfusinnaasuni assigiinngitsuni pilersaaruteqartoqarpaa?**
- 3. Aammalu misileraasoqassappat qanoq annertutigisunik pisassiisoqarniarpa?**
- 4. Kujataani, Kitaani Avannaanilu immikkoortillugit misileraasoqassappat qanoq annertutigisunik pisassinneqassappat?**
- 5. Kiisalu raajarniarsinnaasunik angallatillit raajarniarnissamut akuersissutaateqanngitsut sinerissami najugallit misileraasoqassappat ilaatinniarneqarpaat?**

(Inatsisartunut Ilaasortaq Hans Enoksen, Partii Naleraq)

Tunngavilersuut:

Sinerissami raajarniartut pisassakippallaarnertik pissutigalugu ilaatigut aalisarnertik killeqartorujussuarmik ingerlappaat nalunnginnamikku sukkasuumik aalisarunik piffissami sivikitsumi pisassatik tamakkertussaallugit. Ukiullu sinnera tamaat aalisariutit umiarsualivimmi talinngaannartussanngussallutik.

Tassami aamma sinerissami raajarniarneq nunami suliffissaqartitsiniarnermut pingaaruteqartorujussuuvoq aammalu aalisariutaatilinnut pisassakippallaalersunut kingunissai ernumanarput ilaatigut akiliisinnaanerat killeqartorujussuannngussammat. Kiisalu aalisariutit inuttaat aamma suliffissaarunnissaat ernumanarluni.